



Memorijalni centar Srebrenica-Potočari Spomen obilježje i mezarje za žrtve genocida iz 1995. godine

Broj: 01-16-3-479-6/26

Srebrenica, 28.04.2026. godine

Na osnovu člana 70. i 64. stav (1) Zakona o javnim nabavkama („Službeni glasnik BiH“ broj: 39/14, 59/22 i 50/24), Pravilnika o internim procedurama u postupku javne nabavke u Memorijalnom centru Srebrenica i direktnom sporazumu, broj: 01-02-3-1508/21 od 29.10.2021. godine, broj: 01-02-3-170/23 od 23.01.2023. godine i broj: 01-02-3-1847/24 od 02.08.2024. godine, i preporuke Komisije za nabavke konstatovane u Zapisniku o pregledu i ocjeni ponuda u postupku javne nabavke putem otvorenog postupka, broj: 01-16-3-479-5/26 od 27.04.2026. godine, Upravni odbor Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, *donio je*

**O D L U K U**

**o izboru najpovoljnijeg ponuđača za nabavku radova:  
“Rekonstrukcija ravnog krova zgrade Muzeja (bivšeg holandskog bataljona) u  
Memorijalnom centru”**

Član 1.

Ugovor za nabavku radova: “Rekonstrukcija ravnog krova zgrade Muzeja (bivšeg holandskog bataljona) u Memorijalnom centru” dodjeljuje se ponuđaču **BRAĆA KARIĆ d.o.o. Zenica**, Zmaja od Bosne bb, 72000 Zenica, koji je dostavio prihvatljivu ponudu sa najnižom cijenom u iznosu od 168.980,56 KM bez PDV-a, odnosno 197.707,26 KM (slovima: stotinudevedeset sedamhiljadasedamstotinasedam i 26/100 KM) sa uključenim PDV-om.

Član 2.

Izabrani ponuđač iz člana 1. ove Odluke se obavezuje da u roku ne dužem od 7 (sedam) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datim Izjavama iz člana 45. stav (1) tačka a), b) c) i d) i člana 47. Zakona o javnim nabavkama.

Član 3.

U skladu sa članom 70. stav (6) Zakona o javnim nabavkama, Memorijalni centar Srebrenica-Potočari Spomen obilježje i mezarje za žrtve genocida iz 1995. godine, će ovu Odluku objaviti na svojoj internet stranici [www.srebrenicamemorial.org](http://www.srebrenicamemorial.org) i to istovremeno s upućivanjem Odluke ponuđačima koji su učestvovali u postupku javne nabavke.

Član 4.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, zajedno sa Zapisnikom o pregledu i ocjeni ponuda broj:

01-16-3-479-5/26 od 27.04.2026. godine u skladu sa članom 71. stav (2) Zakona o javnim nabavkama.

## Obrazloženje

Memorijalni centar Srebrenica-Potočari Spomen obilježje i mezarje za žrtve genocida iz 1995. godine je u skladu sa članom 25. Zakona o javnim nabavkama, pokrenuo postupak javne nabavke putem otvorenog postupka, broj: 01-16-3-479-1/26 od 31.03.2026. godine, za nabavku radova: "Rekonstrukcija ravnog krova zgrade Muzeja (bivšeg holandskog bataljona) u Memorijalnom centru". Procijenjena vrijednost javne nabavke bez PDV-a iznosila je 169.000,00 KM bez PDV-a.

Obavještenje o nabavci broj: 1348-1-3-16-3-23/26 objavljeno je dana 31.03.2026. godine na Portalu javnih nabavki i u „Sl. Glasniku BiH“ broj: 25/26 od 03.04.2026. godine.

Komisija za javne nabavke imenovana je Rješenjem, broj: 01-16-3-145/26 od 12.01.2026. godine.

Iz Izvještaja o preuzimanju tenderske dokumentacije preuzetog sa Portala javnih nabavki na osnovu objavljenog Obavještenja, broj: 1348-1-3-16/26 od 22.04.2026. godine, utvrđeno je da su tendersku dokumentaciju preuzela ukupno 22 potencionalna ponuđača.

Na osnovu Obavještenja o nabavci i tenderske dokumentacije izvršeno je javno otvaranje ponuda dana 21.04.2026. godine u 11,15 sati u prostorijama Memorijalnog centra Srebrenica-Potočari Spomen obilježje i mezarje za žrtve genocida iz 1995. godine, što je konstatovano u Zapisniku o otvaranju ponuda u skladu sa Zakonom.

Komisija je na javnom otvaranju ponuda konstatovala da su ponude blagovremeno dostavila dva (2) ponuđača, sa sljedećim cijenama ponuda:

1. BRAĆA KARIĆ d.o.o. Zenica, u iznosu od 168.980,56 KM bez PDV-a i bez popusta;
2. HUNES d.o.o. Žepče, u iznosu od 168.808,26 KM bez PDV-a i bez popusta.

Dana 24.04.2025. godine, Komisija se ponovo sastala radi pregleda i ocjene dostavljenih ponuda, odnosno da bi utvrdila da li ponuđači ispunjavaju uslove iz članova 45. do 52. Zakona i da li su ponuđači dostavili tehnički zadovoljavajuće ponude u skladu sa zahtjevima iz tenderske dokumentacije, te da li ponuđeni radovi odgovaraju predmetu nabavke i tehničkim specifikacijama.

Komisija je konstatovala sljedeće:

Uvidom u ponudu ponuđača BRAĆA KARIĆ d.o.o. Zenica, Komisija je konstatovala da je ponuđač u svojoj ponudi u smislu dokazivanja ispunjavanja uslova iz tenderske dokumentacije dostavio svu potrebnu dokumentaciju za predmetnu nabavku;

Uvidom u ponudu ponuđača "HUNES" d.o.o. Žepče, Komisija je utvrdila da ponuđač nije ispunio minimalne uslove ekonomske i finansijske, kao i tehničke i profesionalne sposobnosti,

jer u svojoj ponudi nije dostavio dokaze na način kako je traženo tenderskom dokumentacijom.

U pogledu ekonomske i finansijske sposobnosti – iz tačke 3.4. TD, obavezno je bilo dostaviti kopiju: *“Izveštaja/odgovarajućeg dokumenta o svim računima pravne osobe, koji izdaje Centralna banka BiH, u skladu sa pozitivnim propisima, a kojima se dokazuje ispunjenje traženog uslova da su transakcijski bankarski računi ponuđača aktivni. Navedeni dokument se dostavlja kao obična kopija zajedno sa izjavom koju ovjerava ponuđač, čija je forma propisana od strane Agencije za javne nabavke BiH, a čiji je obrazac sastavni dio ove tenderske dokumentacije kao Aneks 6.”* Umjesto traženog Izveštaja o računima pravne osobe koji izdaje Centralna banka BiH, ponuđač je dostavio ispis sa web stranice Centralne banke BiH, koji nema karakter službenog dokumenta izdatog od strane nadležne institucije. Prilikom provjere liste računa privrednih subjekata na web stranici Centralne banke BiH, stoji jasna napomena da se: *„Ovaj izvještaj koristi samo u informativne svrhe i ne može se koristiti kao dokaz u pravnom prometu.“*

Također, suprotno odredbi TD kojom je u tački 3.5. Tehnička i profesionalna sposobnost – član 48. i 51. Zakona, traženo da se: *“Za dipl.ing. građevine koji je stalno zaposlen kod ponuđača ili je angažovan za predmetnu nabavku potrebno dostaviti: 1) ovjerenu kopiju diplome, 2) ovjereno uvjerenje o položenom stručnom ispitu, 3) potvrdu o traženom radnom iskustvu u struci izdatu od strane poslodavca kod kojeg je stekao radno iskustvo i 4) biografiju (CV)“*, ponuđač je dostavio uvjerenje nadležne Porezne uprave. Dostavljeno uvjerenje Porezne uprave ne dokazuje radno iskustvo u struci u smislu kako je traženo tenderskom dokumentacijom.

Zbog dostavljanja nepotpunih dokaza, odnosno dokaza koji nisu u skladu sa propisanim dokumentima koji su navedeni u TD, Komisija je predložila da se ponuda ponuđača “HUNES“ d.o.o. Žepče, u skladu sa članom 68. stav (1) Zakona o javnim nabavkama, odbaci kao neprihvatljiva.

S obzirom da je u ovom postupku nabavke pristigla jedna prihvatljiva ponuda, prema uslovima iz tenderske dokumentacije e-aukcija se nije mogla zakazati (Pravilnik o uslovima i načinu korištenja e-aukcije "Sl. glasnik BiH" broj 80/23), postupak se okončava u skladu sa članom 69. stav (1) tačka a) Zakona.

Na temelju navedenog, Komisija je predložila ugovornom organu da se ugovor za nabavku radova: *“Rekonstrukcija ravnog krova zgrade Muzeja (bivšeg holandskog bataljona) u Memorijalnom centru“*, dodijeli ponuđaču BRAĆA KARIĆ d.o.o. Zenica, Zmaja od Bosne bb, 72000 Zenica, koji je dostavio prihvatljivu ponudu sa najnižom cijenom u iznosu od 168.980,56 KM bez PDV-a, odnosno 197.707,26 KM (slovima: stotinuevedesetsedamhiljada sedamstotinasedam i 26/100 KM) sa uključenim PDV-om.

Komisija je sačinila Zapisnik o pregledu i ocjeni ponuda, broj: 01-16-3-479-5/26 od 27.04.2026. godine, koji je sastavni dio ove Odluke i kao takav se dostavlja svim učesnicima u postupku javne nabavke.

U postupku ocjene provedenog postupka, Ugovorni organ nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisije za provođenje postupka javne nabavke.

U skladu sa prednje navedenim, odlučeno je kao u dispozitivu.

**Pouka o pravnom lijeku:**

Protiv ove Odluke može se izjaviti žalba Uredu za razmatranje žalbi putem Ugovornog organa. Žalba se izjavljuje u pisanoj formi direktno na protokol Ugovornog organa ili preporučenom poštom, u roku od 10 (deset) dana od dana prijema ove Odluke.

Predsjedavajući Upravnog odbora  
  
Hamdija Fejzić



Dostavljeno:

1. *BRAĆA KARIĆ d.o.o. Zenica*
2. *HUNES d.o.o. Žepče*
3. *Arhivi*

Prilog:

- *Zapisnik o pregledu i ocjeni ponuda, broj: 01-16-3-479-5/26 od 27.04.2026. godine.*